

Ливана бәәдл

БЕЙРУТ. (ТАСС). Энд бослгъ кеджәх улс правительствин церг хойран хоорнд дәәллән бола. Балгъсна центрт кӯчллгътә халдан болв, Ливанск правительствин гер бас халгънла харгъад бәәв.

„Ан—нахар“ газетин сонъсхврар болхла, бослгъ кеджәх улс правительствин церг хойран хоорндк дәәллдәнә кōлд, Бейрут балгъсна тӯӯрмәс кесг улс оргъдж гарч.

„Аль—джарида“ газетин зәнъглсәр болхла, эдн хоорнд зертә-зевтә дәәллдән Ливана ар үзгәр бәәх уулин районд бас болдж. Барин сонъсхврар болхла, бослгъ кесн улс Шуф районд дәврлгъ кегъад, кесг селәд авч.

„Аль—джарида“ газетин бичсәр болхла, Ливанд буусн американск цергин то, июлин 19-д 8 минъгън кӯн болв. Эн церг дунд 1.700 парашютистнр йовна гидж газет зааджана. Ливанур американск церг болн зер-зев авч ирсн 58 американск кōлгнә самолет Бейрутск аэродромд буув.

Орн-нутгин агъарин хаалгъ болн газр-усна бәәдл сәәнәр меддж авхин тōлә, реактивн истребителәс авн вертолетс кӯртл—американск самолетс-ин цуг зӯснъ Ливанск газр деегәр зогслт уга нислгъ кегъад бәәцхәнә.